

8 um af hreppsnefnd Staðarhrepps, og skulu þeir annast rekstur sjóðsins á þann hátt, 10. jan. sem gert er ráð fyrir í skipulagsskrá þessari.

7. gr.

Leita skal staðfestingar forseta Íslands á skipulagsskrá þessari.

9

14. jan.

## GJALDSKRÁ

fyrir Rafveitu Hafnarfjarðar.

### I. RAFORKA

Rafveita Hafnarfjarðar selur raforku á þann hátt og við því verði, sem hér segir:

#### A. Lýsing.

1. Um kwst.mæli á kr. 2.25 hver kwst.
2. Um kwst.mæli á 60 aura hver kwst., auk fastagjalds, er nemi kr. 11.00 á ári af hverjum fermetra ( $m^2$ ) gólfplatnar, er lýsa skal. Þar, sem gólfpletir eru tiltölulega stórir miðað við ljósmagn, er heimilt að veita afslátt á fastagjaldi skv. reglum, er rafveitustjóri setur. Minnsta fastagjald skal þó vera kr. 275.00 á ári.

#### B. Almenn heimilisnotkun.

Um einn kwst.mæli fyrir alla notkun á heimilinu á 45 aura hver kwst., og auk þess fastagjald, kr. 42.00 á ári fyrir hvert herbergi, sem ætlað er til íbúðar, og eldhús, en ekki ganga, baðherbergi eða geymslur. Heimilt skal að miða fastagjald við gólfplöt, og skal þá greiða kr. 5.00 á ári af hverjum fermetra.

#### C. Vélanotkun.

1. Um einn kwst.mæli, þannig:

Fyrir fyrstu	1000 kwst. ársnotkun	130 aura hver kwst.
— næstu	2000 — — —	120 — — —
— —	4000 — — —	105 — — —
— —	8000 — — —	85 — — —
— —	15000 — — —	65 — — —
— —	30000 — — —	50 — — —
— umfram	60000 — — —	30 — — —

2. Um mæla þannig reiknað, enda sé vélaafl minnst 20 kw:

300 kr. árskw. fyrir	fyrstu	50 kw.
250 — — —	næstu	50 —
200 — — —	umfram	100 —

Auk þess greiðist kwst.gjald, er reiknast þannig, miðað við eitt ár:

Fyrstu	200 000 kwst. á 15 aura hver kwst.
Umfram	200 000 — — 11 — — —

3. Um einn kwst.mæli á 80 aura hver kwst. fyrstu notkunar, en á 50 aura hver kwst. af notkun umfram 1000 kwst. á ári á hvert kw. vélaafls. Minnsta greiðsla samkvæmt þessum lið skal þó vera 800 kr. á ári fyrir hvert kw. vélaafls.

#### D. Hitun.

1. Til hitunar húsa, enda sé rafmagnsupphitun aðalupphitun hússins, um sérmæli fyrir hitalögnina:

- a. Á 35 aura hver kwst. 9
- b. Á 20 aura hver kwst., enda megi þá rjúfa strauminn í eina klst. um hádegið. 14. jan.
- c. Á 16 aura hver kwst., enda megi rjúfa strauminn í allt að 3 klst. á dag, á tímum mesta álags rafveitunnar, um hádegið og síðdegis, en þó eigi lengur en eina og hálf klst. í senn.
- d. Á 8 aura hver kwst. næturnotkunar, er fram fer frá kl. 22 til kl. 8, enda sé notuð eingöngu, eða því nær eingöngu næturraforka til upphitunar hússins. Þar, sem því verður viðkomið, má rafveitustjóri takmarka næturnotkun við allt að 8 klst.

Tilgreint verð á D 1 má miða við útsöluverð á kolum kr. 450.00 hvert tonn og olíu (gasolíu) 70 aura hver lítri (heimflutt), og er heimilt að halda þessu hlutfalli milli D 1 annars vegar og kola og olíu hins vegar, með breyttu verðlagi á hinu síðarnefnda. Skal þá reikna verð á D 1 við hvert eldsneytið fyrir sig og taka síðan meðaltal. Standi verðið þannig á hluta úr eyri, má hækka eða lækka í hálfan eða heilan eyri, eftir því sem nær er.

Önnur skilyrði fyrir raforkusölu til húshitunar:

1. Að vélaafl, götulinur og spennar þoli álagið, að dómi rafveitustjóra.
  2. Að notandi kosti sjálfvirkan segulrofa fyrir hitalögnina, enda leigi rafveitan sérstaka skiptiklukku fyrir hann samkv. mælagjaldskrá.
  3. Að hitalagnir, þar með talin öll tæki, séu gerðar samkv. fyrirmælum rafveitunnar, ofnar fasttengdir með sérstökum rofum og hitastillar notaðir, þegar þess er krafiz.
  4. Að húsin fullnægi þeim minnstu kröfum um einangrun, sem rafveitan kann að setja.
2. Til hitunar í handiðn, iðnaði eða atvinnurekstri um tviðgjaldsmæli á 13 aura hver kwst. frá kl. 22 til kl. 8 og á 65 aura hver kwst. frá kl. 8 til 22.

### E. Önnur notkun.

1. Rafveitustjórn er heimilt að veita afslátt frá framangreindum verðlagsákvæðum á liðum A til D á orku, sem notuð er á sumrin, ef um töluverða aukningu frá vetrarnotkun er að ræða, eða ef orkan er eingöngu notuð á sumrin.
2. Til nota við vinnulagnir við byggingar, meðan á byggingu stendur, um kwst.mæli á kr. 1.40 hver kwst.
3. Gjöld fyrir götu- og hafnarlýsingu ákveður bæjarstjórn eftir tillögu rafveitustjórnar.
4. Þegar sérstaklega stendur á, má rafveitustjóri selja raforku eftir sérstökum samningi í hvert skipti, þó eigi lengur en til eins árs í senn, nema til komi samþykki rafveitustjórnar.

### II. MÆLALEIGA

Rafveitustjóri ákveður stærð og gerð mælitækis, sem nota skal fyrir veitu hverri. Heimilt er að taka leigu fyrir mælitæki, er nemur allt að 20% af meðalverði hverrar tegundar.

### III. HEIMTAUGAGJÖLD

Af hverri húsveitu, sem tengd er við rafveituna, skal greiða heimtaugargjald, er miðast við brunabótamat á húsum og mannvirkjum, á þann hátt, sem hér segir: Fyrir jarðlínuheimtaug:

Grunngjald kr. 780.00 og auk þess

0.8%	af brunabótamati	upp að	200 þús. kr.
og 0.2%	—	—	umfram 200 — —

Fyrir loftlínuheimtaug

greiðist 70% af heimtaugargjaldi fyrir jarðlínuheimtaug.

9 Þar, sem brunabótamat er gamalt, skal heimtaugargjaldið miðast við um-  
14. jan. reiknað brunabótamat eftir vísitölu byggingarkostnaðar, er Hagstofa Íslands reiknar út.

Sé lengd jarðlínuheimtaugar meiri en 15 m, loftlínuheimtaugar meiri en 40 m og/eða gildleiki víra meiri en  $3 \times 70$  qmm, skal húseigandi kosta það, sem þar er fram yfir.

Standi sérstaklega á, eða séu óvenjulega miklir örðugleikar við lagningu heimtaugar, má krefjast sérstaks endurgjald af húseiganda, en gera skal honum aðvart um það fyrir fram.

Ef lagðar eru fleiri en ein heimtaug að húsinu, skal greiða allan kostnað við síðari heimtaugar eftir reikningi.

Ef breytt er um heimtaug úr loftlínu í jarðlínu, skal húseigandi greiða þann mismun, sem er á loftlínu- og jarðlínuheimtaug, eins og sá mismunur er í gjaldskrá, sem í gildi er, þegar breytingin fer fram. Rafveitan skal hins vegar kosta breytingu á stofntaug innanhúss, sem þessu verður samfara, en ekki málningu eða rask, sem af þessu kynni að stafa. Sé mikill kostnaður við slíka breytingu, getur stjórn rafveitunnar skyldað húseiganda til að taka þátt í kostnaði stofntaugarinnar.

Heimtaugargjald fellur í gjalddaga, þegar lokið er lagningu heimtaugar.

#### IV. OPNUNARGJALD

1. Hafi gjald samkvæmt gjaldskrá þessari eigi verið greitt, svo að til lokunar hafi komið fyrir veitu, skal taka gjald fyrir enduroppnun, 25 krónur.
2. Ef fundin eru við skoðun óleyfileg eða of stór vör, skal veitunni lokað tafarlaust, og verður hún eigi opnuð aftur fyrr en notandi hefur greitt 25 króna gjald á skrifstofu rafveitunnar.

Bæjarstjórn er heimilt að hækka eða lækka gjöld, sem ákveðin eru í gjaldskrá þessari um allt að 10%, án sérstakrar staðfestingar ráðuneytisins, enda sé breytingin auglýst í Lögbirtingablaðinu, áður en til hennar kemur.

Gjaldskrá þessi, sem bæjarstjórn Hafnarfjarðar hefur samið og samþykkt, og gerð er samkvæmt vatnalögum, nr. 15 20. júní 1923, og raforkulögum nr. 12 2 apríl 1946, staðfestist hér með til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Jafnframt er úr gildi numin gjaldskrá fyrir Rafveitu Hafnarfjarðar, nr. 18 8. febrúar 1952.

*Atvinnumálaráðuneytið, 14. janúar 1955.*

**Steingrímur Steinþórsson.**

*Þorv. K. Þorsteinsson.*